



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Portavós

Loron 14, fulan-janeiru, tinan 2020

Komunikadu Imprensa

Governu hato'o nia solidariedade ba Austrália

Lori povu Timor-Leste nia naran, Governu hato'o nia profunda solidariedade ba Povu no Governu Austrália, ne'ebé durante fulan tolu resin hasoru inséndiu barak no maka'as tebtebes.

Ahi ne'ebé kontinua han, la iha rohan, hahú husi kedas fulan-setembru nia rohan tinan 2019, kuaze iha territóriu Austrália laran tomak, konsege estraga área floresta lubun boot ida, ne'ebé afeta ektare millaun ba millaun, kauza pelumenus ema na'in 25 maka mate, ema besik atus ida maka lakon, populasau barak izolada, uma rihun ba rihun mak ahi han, animál rihun atus mak mate no espésie barak mak iha risku estinsaun nian.

Governu Timor-Leste hato'o ninia sentida kondolénsia ba família vítima sira no hahi'i autoridade sira-nia serbisu hodi kombate ahi no salva ema no animál sira, iha situasaun ne'ebé difisil tebes.

Portavós Governu Konstitusionál VIII, Ministru Estadu, Agio Pereira, afirma katak “ami-nia sentimentu ba família sira ne'ebé lakon nia parente sira no ami agrade-se ba sira ne'ebé esforsu nafatin hodi kombate ahi no fó apoiu ba populasau sira ne'ebé afetada ba katástrofe ne'e”. **Remata**



Palácio do Governo,
Avenida Presidente Nicolau Lobato,
Dili, Timor-Leste